


三

早稻田大學附屬 圖書館	
寄第	
第	16
第	1559
出帶許不	3



和16
1559
3

垂加文集卷之三目錄

七律靈秘錄

高節

廣柱錄

百餘

秋勝年記

男女小三夜記

平會堂集卷之二

上卷文

卷之二目錄



垂加文集卷之三目錄

上津靈神碑

刀銘

藏柱銘

弓銘

敬勝字銘

甥女小三墓誌銘

半齋翁墓表銘

上梁文

楠庭訓圖贊

家君壽像贊

自贊

跋會津風土記

跋御靈八所記錄

跋兼良公十三迴忌浴樂倭歌

跋秀吉公感狀

祭小倉三省丈文

卷之三目錄終

垂加文集中之一

土津靈神碑

土津者 東照太權現之孫源中將之靈號也。靈神諱正之。小字幸松。台德院秀忠公之子。大猷院家光公之弟而。大將軍家綱公之叔父。母神尾氏。慶長十六年辛亥夏五月七日。生于江府焉。七歲。台命信州高遠城主。從五位肥後守源姓保科氏正光為義父。弱冠義父卒。任肥後守。賜為清刀。入高遠。寬永九年壬申冬。直叙從四位下。甲戌之秋。家光公上洛。靈

神扈從。七月十八日。公參。內是日靈神

任侍從。拜。皇帝太上皇賜。天丕丙子

之秋。大增封戶。移羽州最上城。賜行光刀。靈神

入最上巡所部。加獎諸士。更召多士。各頒職事。

無大無小。咸自為之。戊寅之夏。最上近邑。白岩

氏將叛。靈神治之。驛告。辛巳之秋。八月三日。

世子家綱。公誕靈神。獻光忠刀。左文字小刀。癸

未之夏。韓使來貢。公引見南殿。靈神侍坐。秋

復益封戶。移奥州會津城。正保二年乙酉。夏。任

左近衛少將。四月二十三日。世子元服。靈神

理髮。獻來國光刀。于。公獻守家太刀。行光刀。

于。世子。公賜長光刀。世子賜將監長光

刀。賜。御丕。秋。叙從四位上。冬十一月。天

子特贈宸翰。宮額。于。大權現。勅使格于

日光山。靈神登山。攝御事。慶安四年辛卯。夏。四

月二十日。公太漸。召靈神於寢殿。託。世子

而薨。靈神常在府佐之。秋。家綱公任內府。拜

大將軍。勅使來。靈神登城。承應二年癸巳

秋。公任右府。勅使來。靈神登城。公命

謝上使。靈神與副使侍從。今川範英。上京師。冬

十月十日參

內拜

帝公事畢私覲賜

天盃

仙洞新院女院如前儀次謁關

白太閣亦會之反太閣關白送之十三日

勅答賜

天盃而退則任中將賜太刀乃辭

官拜賜而出

仙洞勅答賜

仙盃賜太

刀

新院勅答如前式是日

女院設饗

禮有舞樂賜

御盃賞賜若干靈神拜辱二

十七日歸府復命

公乃言曰中將之任宜從

勅命乃拜累叙從三位又辭乃遂叙正四

位下明曆改元し未冬韓使來貢

公引見南

殿靈神侍坐事關韓使以書信來于私第靈神
報答之寬文六年丙午靈神五十六以疾致事
而不得謝自是營中乘輿國老就謀焉靈神性
剛正而和淳自幼讀書不惑年始讀小學知大
學之基焚向前所讀老佛之書專攻濂洛關閩
之書用力於敬功夫日新也其言云主一無適
則存得未發之氣象動亦定靜亦定聖人無情
性之者其庶幾乎又云程門靜坐之法楊氏羅
氏李氏能授受之三子傳心錄於是乎編矣嘗
使嘉讀玉山講義爲之附錄則舉其要曰仁之

生意親切之味。即未發之愛。一意一理。而萬物之所以爲一體也。又曰智藏而無迹。識此而後可以語道體。可以論鬼神。又曰仁智交際。萬化機軸。此合天人之道也。嗚呼。可謂說約矣。知此要約者。朱門蔡季通。仲默。真希元之後。未有斯人也。日本神代卷中。臣祓者。我道傳授之書也。靈神學之得。吉田家之傳。遡五十鈴川之流。神武向日之畏。應神祕道之敬。奉持而著之。心胸之間實。弓兵政所崇。道盡敬天皇以後。一人耳。其事君也。大義常存於心。念念不

忘。以安世爲悅。而不以一毫欺之。忠已。忠之不盡。而不欲人之悅已。其所書思對命。悉燒之人。無得而知之。周公之于身。亦優爲之。欲得夷齊無怨之仁。厭聞湯武革命之義。常言文王至德。處孔子以來。韓愈程朱發之。恭伯至德。處孔子以來。惟朱子明之。夫然後天下之爲君臣者。定矣。因言事代主命。本朝恭伯也。又常稱明道愧視民如傷四字。愛范希文先憂後樂之語。使侍史讀倭漢歷代之書。察治亂之幾。論興亡之迹。考諸地宜。質諸時義。編二程治教錄。以寓乎其

無如文集卷三
意焉其治會津也城隍郭郭時省督課備軍糧
備兵器作風土記坐知四境正神社爲之志廢
佛堂付僧寺置葬地禁火葬立社倉行常平謹
權量寬租稅制糶糶漕運之法聽訟本人倫察
事情遣監司循封內下情上達凶年防之饑歲
賑之九十以上歲與口養孝子節婦賞之不忠
不孝罰之窮人無歸則給之旅客有疾則濟之
未嘗有一人餓莩者也靈神娶奧州岩城城主
從四位左馬助藤原姓內藤氏政長女生一男
幸松夫人夙終男亦夭二男正賴從四位侍從

長門守先沒三女嫁羽州米澤侍從從四位播
磨守藤原姓上杉氏綱勝先沒四男正經從四
位侍從筑前守娶加州小松中納言從三位肥
前守菅原姓前田氏利常女三子皆母藤木氏
五女母牛田氏嫁利常嫡孫正四位左中將加
賀守綱利先沒六女嫁相州小田原侍從從四
位美濃守越智姓稻葉氏正則嫡子從五位丹
後守義雅先沒七男正純從五位東市正先沒
二子亦藤木氏生八男重四郎母沖氏戊申之
歲著家訓明年再乞致仕台許令正經襲封

六十一蒙土津靈社之號。壬子之夏行于會津。卜壽藏於磐梯南麓。見禰山詠倭歌。以賦其事。蓋仁以爲己任。生無所息。望壙則知所息者歟。夫我神國傳來。唯一宗源之道。在乎土金。而土即敬也。蓋土與敬倭訓相通。而天地之所以位。陰陽之所以行人道之所以立。其妙旨備于此。訓靈神達乎此。靈號良有以矣。是冬歸府病臥于城南箕田邸。公使國老數來。十一月十八日終于正寢。臨終不異平生。惟仁義之言而安然。氣絕壽六十有二歲也。公哀痛賻之。諸侯惜

之。女院聞訃甚傷。關白以下嗟嘆。吊之矣。孝子正經治喪。不用浮屠衣衾棺槨。必誠必信。晦日太輦至于會津焉。癸丑之春三月二十七日。大葬於壽穴矣。夏建社請神祇管領長上卜部兼連安鎮之。厥壘曰土津靈神安鎮座矣。延寶二年之秋。鐫石立碑。屬嘉作其文。夫靈神之忠之行。天下具瞻之。至其學識則嘉竊知之。故不敢辭之。乃爲之文。繫以銘曰。

維左中將

源家懿親

質剛而正

讀書知道

持敬修身

排黜他鬼尊信我神
 致忠之真國老謀政
 初守高遠乃利黎民
 乃陟士臣終鶴城主
 風土有記社倉見仁
 永貽後人體藏磐麓
 之德之合之實之賓
 靈驗斯新爰著家訓
正直祈禱
兼龜壘鎮
次護最上
韓使結鄰
受託之重

山崎嘉謹撰

刀銘

白刃可蹈

中庸難能

同

敬帶止戈

妄把起戎

其機如此

惟省厥躬

同

故人友松氏興家藏之刀也嘗以此
刀追截人其人北去泳水而做兩段
因名泳
波云

先幾勢不可于

血刃處泳波寒

藏柱銘

敬以直內

義以方外

敬義夾持

出入無悖

弓銘 加須屋左近武成所作之弓

一張一弛 文武道然 彎架滿處

三五月圓 十五射法吉田家之秘傳在並手書附屬于嘉故未句及之

敬勝字銘 延寶庚申之歲正月元日字山三郎因為之銘

爾生丙午 今歲十五 敬勝急吉

銘諸心腑

甥女小三墓誌銘

甥女諱小三洛陽人寬永戊寅三月二十日申上剋生幼孤家君令姊俱鞠育之其性正靜孝順不苟食不茹葷常不外出能勤女事予口授

女孝經教事家君令姊祭祀禮相助奠皆遵教能之承應壬辰二月病臥癸巳六月二日午上剋十六歲死病間只言孝奉之事不欲使家君聞苦楚之聲病革謂嘉姊弟曰我死無憾獨以貽家君母君憂為恨耳朝禮適家君所少間而退乃死之前日也臨終其言如平生使掩屏風於枕上奄然絕焉嗚呼哀哉是月丁酉葬于洛東黑谷山葬事不能備惟衾衾棺椁依家禮治之是日女舅敬義誌石納諸幽窆冀後人莫敢壞銘曰

盡哉甥生

有德無年

命乎命也

泣納此鐫

半齋翁墓表銘

古之士者不素餐行死生之庭不見其人也今之士者不仕曷為而仕惟喜得患失魏勃掃門潘岳望塵旁觀乃堪羞顛倒自不知使其行死生之庭則吾見其眊眊股戰面無人色也豈可謂之士也與哉嗚呼若半齋翁者吾見鮮矣翁姓片岡氏諱某尾張國海部郡小邊村產也質

性勁直不瑣碎熒閃事君不合則去少稱平吉仕本國內大臣平信雄老土方勘共衛雄久大臣亾國諸士流離翁適濃州仕金山城主森右近大夫忠政行之改氏岡本稱次郎左衛門往豐之後州仕白杵城主太田美作守慶長五年石田氏作亂美作守與之時同州竹田城主中川修理大夫秀成使其內弟吉田喜太郎將兵將拔白杵城太田氏出戰佐賀關翁為隊頭擊卻中川兵斬喜太郎首美作守致狀褒之及石田氏所戮美作守喪飄泊京師翁從之能奉之

美作守得終焉之地。使翁之他仕。於是適豐之前州。仕太守細川忠興。行之改氏。稱曰馬淵。十兵衛。往備之前州。仕岡山中納言豐臣秀秋。去而復岡。本次郎左衛門。如豫州。仕道後城主加藤左馬助嘉明。慶長之末年。有大坂之軍。其前年翁去。加藤氏軍時入城。屬渡邊內藏助融。內藏助於田鳥野。及米澤中納言上杉景勝戰。一追一見。逐丁其見。逐士六人。四人於柵外。二人於柵內。止拒逐者。翁在四人之中。最軍散。舊君右近大夫召時。右近爲作州太守。翁往仕之。既

而有太坂餘黨之禁。而又去之。更号半齋。遨遊四方。未嘗銜其勇功。人或問之。則語而不誇。寬永五年之冬。往土州。客太守山內忠義。宰野中直繼家士。城南三里。吾川郡勝浦濱。有直繼別宅。翁居之。六年八月。之望。忽中風。遂不起。九年十二月二十日。七十二歲死。火葬宅南山麓矣。翁前盛時。寄食者多。無貴賤。一與已等。平生不美衣。不重味。雖速客。器皿不滿案。或戲之曰。儉翁答之曰。士會不在酒肴。其爲故舊謀。如已之事。嘗有言曰。士不可僞也。僞者非也。又曰。士不可

面從退有後言。蓋翁是古士之亞流歟。翁娶衣斐氏。無子而死。妾生一男。名千禾。所妾有故出之妻和田氏生子二人。伯女名奈安。季男名義字正之。小字鹿之介。常戒妻曰。女不可預男事。子有過則使妻誚讓之。季男或怒。婦必答之。妻寬解。則曰。此事不可以幼而許也。夫毓一子。困窮之中。而又養其族。飯田又右衛門孤女菊。視之猶子。翁死時。皆幼。妻亦少。死之前日。謂妻曰。我疾久矣。汝善勤矣。我死勿託幼匪其人。勿汚死後之名。翁死。妻不改。遵守遺命。養女嫁土佐守。

臣西野加兵衛伯女嫁野中家臣古楨八左衛門。季男爲直繼。小臣直繼歿。爲其嗣。良繼。小臣今爲其屬士。復本氏呼義右衛門。嘗從我遊焉。義憂翁死時。幼不更事。用火化封墓。不堅固。今歲修舊墓。建新表。柯方爲叙其事。而銘以繫焉。承應二年十二月二十日也。銘曰。

人皆有義

患氣所克

孰守孰持

惟翁不惡

佐賀關功

田鳥野力

鄙夫可起

勇士可服

勝浦之濱

南山之麓

墓封于斯

椿樹于域

圭首方跌

我銘以勤

八千歲餘

芳名罔極

上梁文 家君命

東 日光紅無私照泰和中

西 旻天低惟人事在提擲

南 薰風淡那有盡棟木堪

北 仰瞻極欽矣哉帝之則

伏願上梁後父母俱壽考姊弟能孝思家道

正長久

楠正成庭訓圖贊

植植楠丈夫 庭訓吐丹腸

籌畧曾無敵 長年英氣香

家君壽像贊 土佐將監光起畫之

乾父坤母 一視同仁 家君壽影

於我尤親

自贊

神垂祈禱 冥加正直 我願守之

終身勿忒

跋會津風土記

會城太守四品侍從源正經者土津靈神之子也。寬文辛丑靈神始記會津之風土。至丙午厥功成。以爲一卷。此不惟欲坐知管内而待國家繼古者風土記之絕者也。今歲甲寅太守補入丙午以後所增之村田戶田牛馬等及靈神長隱之迹。分爲兩卷。使嘉看詳之。且爲之跋。其上卷則專國政之用。下卷則兼方覽之勝實文質彬彬君子之書也。予嘗以靈神之命潤色是書。則斯命也。亦不獲辭。乃應之。孔子曰。孝者善繼。

人之志。善述人之事者也。其太守之謂乎。延寶二年仲秋日。垂加翁山崎嘉謹跋。

跋御靈八所記錄

下御靈社司春原氏子信直。自幼讀書。弱冠專攻神書。從我學焉。吾愛其器之堪任。乃所受所考傳之授之。信直年來尋八所之起頃。編爲一卷。以請跋文。予嘗歷覽諸社記錄。或闕畧。或附會。未有若此編者也。因言桓武帝即位之翼立。早良太子何其急也。賊殺藤原種繼。是太子之所叛而致。則何不宣其罪而廢之也。追稱

尊號則曰朕有所思亦何謂也國史不顯記之
釋書未可輕信也又言追稱之號與舍人親
王同日崇道天皇而不有盡敬之號耳蓋由太
子崇敬藤森而謚之如此歟當社未社親
王坐焉藤森相殿太子坐焉誠有以矣夫我
神道之太成在於親王而太子崇敬之豈徒
哉信直念茲當社者嘉之牛王神也此編之成
以慶以賞以願垂千不朽延寶六年仲冬二十
二日垂加翁山崎嘉敬義謹跋

跋兼良公十三廻忌法樂倭歌

孝經鄭註孔傳亡于諸夏尚矣宋史曰日本僧
裔然以鄭註來二本今猶存焉然舊事記引孝
經言求之忠臣者必在於孝子之門而今本無
有焉後漢書引此言注謂孝經緯文也 孝
謙天皇令天下家藏孝經 醍醐御宇皇子
始讀孝經管氏江氏爲之詩序釋奠講孝經管
江爲之詩序可謂盛舉矣後成恩寺殿兼良公
十三廻忌法樂倭歌作者二十二人詠孝經懷
舊各二首都四十四首咏歎之淫液之人子之
心豈不感於茲乎哉夫年忌之云我國史所不

有而他三教之書亦無之。但十三廻忌國俗之
說見師練釋書其曰迎先支寓追慕者聊有以
也。於是乎跋延寶八年七月七日垂加翁山崎
嘉敬義。

跋秀吉公感狀

右關白豐臣秀吉公感石川兵助忠死所賜其
弟長松之狀也。夫身體髮膚不敢毀傷立身揚
名以顯父母孝子之常也。殺身成仁孝子之權
亦所以顯父母也。故曰戰陳無勇非孝也。秀吉
初爲筑前守時與柴田修理亮勝家有隙。天正

十一年四月二十一日戰于江北柳瀨秀吉小
臣七人趣攻戰疾大敗柴田軍時兵助年十八
把槍先七人至柴田虎士拜鄉五左衛門亦操
槍當之拜鄉被創脅兵助被傷眉間共倒拜鄉
當下死兵助五日死秀吉痛惜之召長松賜此
狀并俸千石兵助自幼侍秀吉側十六歲賜旗
人以恠之忠死然後咸服秀吉能知人嗚呼兵
助可謂孝矣。兵助姓源氏石川字一光贈四位
侍從長松字一宗任掃部頭其先出自多田滿
仲滿仲四世曰有光稱石川冠者奧州人也是

爲石川之祖河川和訓同故通用有光五世曰
光治承久之後有績賜濃州市橋莊遂爲濃州
人其苗裔有曰三關曰江雲曰養德者俱居同
州鏡島友弟深至人謂之三兄弟養德生二子
長木工兵衛名某光政次伊賀守名某光重共
仕秀吉兵助者光重之子也一日兵助之從姪
有政携此狀來視余曰秀吉賜感狀於從叔父
及彼七人七人之狀著在太閤記而此狀獨脫之
請爲跋之以垂不朽吾族之幸也余受讀而謂
之曰此誠世之所未傳也嘗見彼七人之狀皆

稱一番鎗蓋可疑矣且兵助旣爲之先則此狀
所謂一番鎗者真是也然若微此狀則後世無
從徵之宜以傳之也昔朱文公之叔祖直閣公
乞表其族昭等死節事狀忠義錄不登載文公
恐其湮沒不傳刻而附於錄後今子倣之奚以
余爲有政求而不已於是乎跋承應三年四月
廿五日

祭小倉三省丈文

惟

承應三年甲午七月十九日洛陽山崎柯聞友

人小倉三省丈之訃。海南百里以親喪而不能
爲奔，以家貧而不能遣人。依便次奉香燭，奠于
吾友之靈前。乃哭曰：嗚呼！三省好儒，惡佛，事君
不容悅，事親不苟從，善撫弟姝，善惠隸僕。茲歲
四月，遭父喪，哀毀致疾。今日十五日，永逝痛哉！
痛哉！不圖三省而遽至此也。交通之情，同志之
樂，已矣已矣。哀哉！哀哉！

垂加文集中之一終

共
鹿股則茂